

# Ժողովուրդ

169  
(2835)

28 նոյեմբերի երեքշաբթի 2023  
տպագրության ԺԲ տարի

Թ. Երեւան, Արմավյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

## ԹԵԺ ԿՈՒՎԸ՝ ԻՐԱՎԱՊԱՆՆԵՐԻ ՈՒՇԱԳՐՈՒԹՅԱՆ ԿԵՆՏՐՈՆՈՒՄ



«Ժողովուրդ» օրաթերթի տեղեկությունների համաձայն՝ ՀՀ քննչական կոմիտեի Կենտրոնի քննչական բաժին է հրավիրվել Երեւանի ավագանու կին անդամներից մեկը: Տեղեկացանք, որ Երեւանի քաղաքապետարանում կայացած ավագանու սկանդալային նիստում միջադեպի գործով հարցաքննության է հրավիրվել Երեւանի ավագանու «Մայր Հայաստան» խմբակցության անդամ Սոնա Աղեկյանը: Ավելին՝ մեզ հայտնի դարձավ, որ Սոնա Աղեկյանն այսօր կրկին հրավիրված է քննչական կոմիտեի հարցաքննության: Մեզ հասած տեղեկությունների համաձայն՝ քննիչները Աղեկյանին հարցեր են ուղղել, թե ինչից է սկսվել, ով է իր մասին ինչ ասել, ու ինչու է նա ջուր լցրել ավագանու անդամ Անի Խաչատրյանի վրա: Շատ հարցեր դեռևս կան ավագանու անդամ Սոնա Աղեկյանին տալու, ինչի համար նրան այսօր կրկին կհարցաքննեն: Իսկ ի՞նչ էր արել Սոնա Աղեկյանը քաղաքապետարանում միջադեպի ժամանակ: Ավագանու անդամ Անի Խաչատրյանը ամբիոնից հնչեցրեց հայտարարություններ, որոնք դաժանորեն կրքերը թեժացրին: Ու երբ Անի Խաչատրյանը լքեց ամբիոնը եւ վերադառնում էր նստել իր տեղը, ավագանու անդամ Սոնա Աղեկյանը ջրով լի բաժակով լցրեց նրա վրա, ինչից հետո սկսվեց ողջ կոիվը: Հետաքրքիր է՝ արդյոք կոմիտեն այս միջադեպով մինչև վերջ կգնա, ու պատասխանատվության ենթարկվողներ կլինեն, թե Հակակոչումացիոն կոմիտեի օրինակով Ազգային ժողովում պատգամավորների ծեծկռուքի դեպքի նման այն կկարճի: Հիշեցնենք, որ ոստիկանությունից հաղորդում է ստացվել այն մասին, որ 2023 թվականի նոյեմբերի 11-ին՝ Երեւանի ավագանու հերթական նիստի ժամանակ՝ ավագանու մի քանի անդամների միջև առաջացած տարաձայնության ընթացքում, փոխադարձ հարվածներ են հասցվել, որի ընթացքում, հասարակության նկատմամբ դրսևորելով անհարգալից վերաբերմունք, հնչել են հայիոյանքներ՝ այդպէրայ խախտելով քաղաքապետարանի բնականոն աշխատանքը: Դեպքի առթիվ ՀՀ քննչական կոմիտեի ԵԶԲՎ Կենտրոն եւ Նորք-Մարաշ վարչական շրջանների քննչական երրորդ բաժնում նախաձեռնվել է քրեական վարույթ՝ ՀՀ քրեական օրենսգրքի 297-րդ հոդվածի 2-րդ մասի 1-ին կետի (մի խումբ անձանց կողմից խուլիգանություն կատարելը) եւ 195-րդ հոդվածի 2-րդ մասի 5-րդ կետի (մի խումբ անձանց կողմից հարվածներ հասցնելը կամ բռնի այլ գործողություններ կատարելը) հատկանիշներով: Կատարվում է նախաքննություն, հանգամանքները պարզվում են:



ՀՀ Ազգային ժողովի «Քաղաքացիական պայմանագիր» խմբակցության պատգամավոր Մարինա Ղազարյանը 2009-2021 թվականներին եղել է Կապանի թիվ 3 միջնակարգ դպրոցի պատմության, հասարակագիտության եւ տնտեսագիտության ուսուցիչ: Ղազարյանը 2016 թվականից «Քաղաքացիական պայմանագիր» կուսակցության անդամ է, իսկ պատգամավորական մանդատը ստացել է 2021 թվականին: Պատգամավորը հայտարարագրել է 2016 թվականին նվիրատվություն ստացած մեկ բնակարան բազմաբնակարան շենքում Սյունիքի մարզի Կապան համայնքում: Նրա բանկային հաշիվների մաքուրըները կազմել են 4 մլն 464 հազար դրամ, որը տարեսկզբի համեմատ՝ աճել է 5,5 անգամ: Կանխիկ դրամական միջոցները կազմել են 2 մլն 600 հազար դրամ, որը տարեսկզբի համեմատ՝ գրեթե կրկնապատկվել է: Նրա՝ հաշվետու տարվա եկամուտները կազմել են 8 մլն 871 հազար դրամ, որից 8 մլն 492 հազար դրամը աշխատանքի վարձատրությունն է ՀՀ Ազգային ժողովից: Պատգամավոր Ղազարյանը ՀՀ աշխատանքի եւ սոցիալական հարցերի նախարարությունից կենսաթոշակ է ստացել տարեկան 379 հազար դրամ: Ազգային ժողովում ակտիվությամբ աչքի չընկնող Պողոսյանը հանդիսանում է 6 դպրոցի եւ 1 հատուկ կրթահամալիրի («Կապանի N5 հիմնական դպրոց», «Կապանի թիվ 3 հատուկ կրթահամալիր», «Կապանի թիվ 10 միջնակարգ դպրոց», «Սյունիքի միջնակարգ դպրոց», «Արծալակի միջնակարգ դպրոց», «Գեղանուշի միջնակարգ դպրոց», «Ճակատենի հիմնական դպրոց» ՊՈԱԿ-ների) կառավարման խորհրդի անդամ: Հավելենք նաեւ, որ Ղազարյանը այն իշխանականներից է, որն իշխանությունների որոշումներին կողմ քվեարկելու համար է խորհրդարան եկել, հյու-հնազանդ սեղմում է անհրաժեշտ կոճակները, առանց սեփական տեսակետի, եւ օգտվում «անվճար տուրիստական փաթեթներից»՝ գնում է գործուղումների Հայաստանում կամ դեպի արտերկիր:



Փողոցներ փակելով, ռադիոտուն ներխուժելով եւ անհնազանդության ակցիաներով իշխանության եկած թավջահեղափոխականների իշխանությունը, թե՛րեւս, ամենամահաբերական է փողոցային ակցիաների նկատմամբ: Սրա մասին է փաստում մինչ այս ընդդիմադիր տարբեր քաղաքական ուժերի նախաձեռնած ակցիաների առաջնորդների եւ դրա մասնակիցների նկատմամբ Նիկոլ Փաշինյանի իշխանության դրսևորած վերաբերմունքը: Երբ ընդդիմադիր դաշտում որեւէ նոր հակաիշխանական շարժում է ձեւավորվում, իշխանության ներկայացուցիչները ջանք չեն խնայում դրա մասնակիցներին պիտակավորելու եւ վարկաբեկելու համար: Նիկոլ Փաշինյանն անհանդուրժող է նաեւ իր երբեմնի գաղափարակիցների նկատմամբ: Հասարակական-քաղաքական գործիչ Սուրեն Սահակյանը, որը հեղափոխության ակտիվ ջատագովներից էր, 44-օրյա պատերազմից հետո տարբեր ֆորմատներով ակցիաներ է իրականացնում, շարժումներ է ձեւավորում եւ պահանջում Նիկոլ Փաշինյանի հրաժարականը: Այս օրերին Սուրեն Սահակյանի եւ նրա թիմակիցների ձեւավորած «Ջանգ» շարժումն է քայլերթեր եւ անհնազանդության ակցիաներ իրականացնում, վրան տեղադրում. ինչպես նրանց հայտարարություններից է պարզ դառնում, ոստիկանությունն անհանդուրժող վերաբերմունք է ցուցաբերում ակցիայի մասնակիցների նկատմամբ: «Ժողովուրդ» օրաթերթը Սուրեն Սահակյանից հետաքրքրվել է՝ ինչու է պայմանավորված Նիկոլ Փաշինյանի եւ նրա իշխանության անհանդուրժող վերաբերմունքն իրենց ակցիաների նկատմամբ, արդյոք փողոցային պայքարի օրերին ինքն արժեքավոր խորհուրդներ է տվել՝ ինչպես աշխատել հակառակ հետ:



ՀՀ գլխավոր դատախազության պատիժների եւ հարկադրանքի այլ միջոցների կիրառման օրինակալուծության նկատմամբ հսկողության վարչության դատախազ Գարեգին Իսախանյանի կողմից անհամատեղելիության պահանջների առերեսույթ խախտման հիմքով հարուցվել է վարույթ: Ավելին՝ մեզ հայտնի դարձավ, որ այդ որոշումը ուղարկվել է ՀՀ գլխավոր դատախազ Աննա Վարդապետյանին: 2023 թվականի հոկտեմբերի 26-ին գլխավոր դատախազ Աննա Վարդապետյանի կողմից հանձնաժողովին է հասցեագրվել գործուն ՀՀ գլխավոր դատախազության պատիժների եւ հարկադրանքի այլ միջոցների կիրառման օրինակալուծության նկատմամբ հսկողության վարչության դատախազ Գարեգին Իսախանյանի կողմից «Դատախազության մասին» օրենքի 49-րդ հոդվածով սահմանված սահմանափակումները կամ անհամատեղելիության պահանջները պահպանված կամ չպահպանված լինելու վերաբերյալ եզրակացություն ստանալու նպատակով: Արդյունքում Կոռուպցիայի կանխարգելման հանձնաժողովը, ՀՀ գլխավոր դատախազության պատիժների եւ հարկադրանքի այլ միջոցների կիրառման օրինակալուծության նկատմամբ հսկողության վարչության դատախազ Գարեգին Իսախանյանի կողմից անհամատեղելիության պահանջների առերեսույթ խախտման հիմքով, հարուցել է վարույթ: Բանն այն է, որ կան տվյալներ՝ դատախազ Իսախանյանը ընկերություններից մեկում բաժնեմաս է ունեցել եւ այն հայտարարագրում չի ներկայացրել, ինչը, ըստ էության, դատախազի պաշտոնի հետ անհամատեղելի է եւ պատժելի:



Շարունակությունը՝ ArmLur.am կայքում:

ՆԵՐԿԱՅԱՑՐԵՑ

ՓԱՇԻՆՅԱՆԻ ՎՐԱԺԱՐԱԿԱՆԸ ԱՌԱՋՆԱՐԵՐԹՈՒԹՅՈՒՆ ԶԷ

Հանրային հաղափական գործիչ Սուրեն Սահակյանն իր թիմակիցների հետ ձեռավորել է «ԶԱՆԳ» բարձունքը, որն իբրևառության հրաժարականի դրամատիկ բողոքի ակցիաներ է իրականացնում հաղափուն:

«Ժողովուրդ» օրաթերթը շարժման ակնկալիքների և ապագա ծրագրերի մասին խոսել է Սուրեն Սահակյանի հետ:

-Պարոն Սահակյան, Դուք եւ Ձեր թիմակիցները Նոր շարժում եք ձեռավորել, եւ արդեն քանի օր՝ իշխանության հրաժարականի պահանջով ակցիաներ եք իրականացնում եւ հանրությանը հրավիրում հանրահավաքների եւ քայլերի: Կխնդրեմ մի փոքր մանրամասնել՝ ինչպես առաջացավ գաղափարը շարժում ձեռավորելու, ինչ սպասումներ ունեք:

-Որպես այդպիսին, շարժման սկիզբը եւ կարող եմ համարել ՄԱԿ-ին ուղղված Ադրբեջանի նամակը, որտեղ Ադրբեջանի հայեցակարգն էր ներկայացվում միջազգային հանրությանը, եւ պնդում կար, որ դա վիճելի տարածքներ են, այսպես կոչված, Հայաստանի տարածքից Ադրբեջանի քաղաքացիներին տեղահանել են եւ այլն: Շատ հետաքրքիր բաներ են առաջարկում, միեւնույն ժամանակ՝ շատ վտանգավոր Հայաստանի համար, թե այդ վերաբնակեցումը ինչպես պետք է իրականացվի:

Պնդում են, որ հայերը ցեղասպան ժողովուրդ են, եւ խաղաղապահ զորքեր պետք է տեղակայվեն Հայաստանում մինչեւ ադրբեջանցիների վերադարձը: Այդ խաղաղապահ ուժերը պետք է լինեն Ադրբեջանի վստահությունը վայելող երկրների ներկայացուցիչներ, պետք է մասն ալյան, որ վերաբնակեցվող ադրբեջանցիները ինքնապաշտպանական ռազմական ուժեր ունենան, ադրբեջաներենը



պետք է լինի ուսուցանվող լեզու եւ այլն: Մի խոսքով, սա հայկական պետություն չէր լինելու, եւ ավելին՝ ադրբեջանական դառնալու նախադրյալներ էին ստեղծվում: Մայիսից արդեն Հայաստանի կառավարությունը բանակցություններ էր վարում դրա շուրջ: Եվ հենց այդ ժամանակից էլ սկսած՝ եւ սկսեցի խոսել մարդկանց հետ, ու հասկացել եմ, որ ինձ պետք է շատերն են մտահոգված այդ հայեցակարգով՝ Հայաստանի ապագայի վերաբերյալ: Օգոստոսի 16-ից մենք հանրային քննարկումներ ենք տարել, եւ շուրջ մեկ ամիս տեղողությամբ շտաբային աշխատանքները հետո ձեռնարկվել է «ԶԱՆԳ» շարժումը:

Նիկոլ Փաշինյանի հրաժարականը շարժման առաջնային նպատակը չէ: Մեր նպատակն է ստեղծել պետություն, որը ունակ է դիմակայել մարտահրավերների, եւ այսօրվա իշխանությունը անմիջական խոչընդոտ է դրան:

-Ովքեր են շարժման անդամներ հանդիսանում:

-50 օր ով մասնակցել է քննարկումներին, խնդիրը դարձրել է իրենը, նրանք են հենց ձեռավորել այդ կորիզը, որը շտաբային աշխատանքներ է իրականացնում: **Ջրուցեց ԲՐԻՍԿՆԱ ՍՈՒՇԵՐՅԱՆԸ**

ԱՆՅԵՏԱՑԵԼ Է

Ո՞ՒՐ Է ԽՈՐԵՆ ԳՐԻԳՈՐՅԱՆԸ

Նոյեմբերի 27-ին հաղափայտարանում տեղի ունեցավ հերթական գործակալ-գաղափարական նիստը:

Պարբերաբար տեղի ունեցող այս նիստերին արդեն երկրորդ անգամ չի մասնակցում Երեւանի քաղաքապետարանի շինարարության եւ բարեկարգման վարչության պետի ժամանակավոր պաշտոնակատար Խորեն Գրիգորյանը:

«Ժողովուրդ» օրաթերթին Երեւանի քաղաքապետարանից տեղեկացրին, որ Խորեն Գրիգորյանը Նոյեմբերի 20-ից մինչեւ դեկտեմբերի 1-ը գտնվում է արձակուրդում, այդ իսկ պատճառով ներկա չի եղել: Հիշեցնենք, որ մամուլում հայտնվել էին նյութեր, ըստ որոնց՝ Երեւանի քաղաքապետարանի շինարարության եւ բարեկարգման վարչության պետի ժամանակավոր պաշտոնակատար Խորեն Գրիգորյանը, սեփական դիմումի համաձայն, ազատվել է աշխատանքից:

Վերջինս, սակայն, հաջորդ օրը ֆեյսբուքյան իր էջում գրեց, թե ազատման դիմում չի գրել: «Ժողովուրդ» օրաթերթի տեղեկություններով՝ նրա՝ աշխատանքից ազատման շուրջ լուրջ խմորումներ են գնացել քաղաքապետարանում: Բանն այն է, որ Տիգրան Ավինյանը փոխքաղաքապետերի նշանակումից հետո բաժանումներ է արել, թե նրանցից ով որ ոլորտը պետք է համակարգի: Ըստ այդմ փոխքաղաքապետ Լեւոն Հովհաննիսյանը



պետք է քաղցին ոլորտը վերահսկեր: Եւ, ահա, Լեւոն Հովհաննիսյանն իր մոտ է կանչել Խորեն Գրիգորյանին ու ասել, որ այսուհետ պետք է հաշվետու լինի իրեն, պահանջել է նաեւ այսուհետ իրեն ցույց տալ շինարարությունների վերաբերյալ բոլոր փաստաթղթերը:

Մշտապես ինքնագործունեությամբ զբաղվող Խորեն Գրիգորյանին դուր չի եկել, որ իրեն պետք է այսուհետ վերահսկի Հովհաննիսյանը, եւ նա «սպառնացել է», թե ազատման դիմում կգրի: Այդ խոսակցության ընթացքում Հովհաննիսյանի աշխատանքները թե՛ կռիվ է սկսվել:

Ավելի ուշ Տիգրան Ավինյանն իր մոտ է կանչել Լեւոն Հովհաննիսյանին եւ Խորեն Գրիգորյանին ու ասել է՝ պետք է մի կողմ դնել տարածայնությունները ու նորմալ աշխատել միասին:

Ինչպես մեր աղբյուրներն են փոխանցում, այդ օրը՝ մինչեւ ուշ ժամ, քաղաքապետարանում լարված իրավիճակ է եղել: Երկար խոսակցություններից հետո Խորեն Գրիգորյանը հետ է կանգնել իր «սկզբունքային» որոշումից եւ «մեկնել» արձակուրդ, իսկ թե կվերադառնա նա արձակուրդից, ցույց կտա ժամանակը:

**ՄԱՐԻԱՍ ՂԱԶՈՐՅԱՆ**



ՈՐՔԱՆ ԵՆ ԲԵՆՋԻՆ ԾԱԽՍԵԼ

«Ժողովուրդ» օրաթերթը շարունակում է այն շարքը, որում պարբերաբար անդրադառնում է պետական պաշտոնյաներին, երկրի առաջին դեմքերին սպասարկող մեքենաների բենզինի ծախսին եւ դրա հավելյալ պահանջված քանակին ու հիմնավորմանը: Արդեն անդրադարձել ենք ՀՀ վարչապետին, ԱԺ հանձնաժողովների նախագահներին, ԱԺ փոխնախագահներին սպասարկող մեքենաներին հավելյալ տրամադրվող բենզինի քանակությանը: «Ժողովուրդ» օրաթերթը այս անգամ հարցում է ուղարկել ՀՀ նախագահ Վահագն Խաչատրյանի աշխատակազմ պարզելու, թե վերջին մեկ տարում որքան բենզին է ծախսել Խաչատրյանին սպասարկող ավտոմեքենան: Հարցրել էինք՝ քանի մեքենա է սպասարկում նրան, եւ, ըստ մեքենաների, խնդրել էինք տրամադրել տեղեկատվություն, թե որքան դիզվառելիք է ծախսվել նրան սպասարկող բոլոր ավտոմեքենաների համար: Նաեւ խնդրել էինք հայտնել՝ որքան բենզին է հավելյալ տրամադրվել վերը նշված բոլոր սպասարկող մեքենաների համար եւ ինչ անհրաժեշտությամբ: Նախագահի աշխատակազմից, շատ արագ արձագանքելով մեր գրությանը, ժամեր անց տեղեկացրին, որ հանրապետության նախագահին սպասարկող մեքենան, ինչպես նաեւ ուղեկցող մեքենաները հանրապետության նախագահի աշխատակազմի հաշվեկշռում չեն, եւ, բնականաբար, վերջինիս կողմից ավտոմեքենաների համար անհրաժեշտ բենզին չի հատկացվում: Ավելի ուշ նախագահականից «Ժողովուրդ» օրաթերթին պարզաբանեցին, որ բոլոր այն մեքենաները, որոնք սպասարկում են նախագահին, գտնվում են ՊՊԾ-ի վերահսկողության տակ, այդ իսկ պատճառով էլ տվյալներ փոխանցել չեն կարողացել: ՊՊԾ-ից, մեր բանավոր հարցերին ի պատասխան, հայտնեցին, որ բանավոր ոչինչ ասել չեն կարող: Ավելի ուշ «Ժողովուրդ» օրաթերթը նույն հարցումն ուղարկեց ՊՊԾ պետի պարտականությունները կատարող Արթուր Գասպարյանին: Օրեր անց պարոն Գասպարյանի ստորագրությամբ ուղարկվեց փաստաթուղթ, որում, մասնավորապես, ասվում է. ««Հատուկ պետական պաշտպանության ենթակա անձանց անվտանգության ապահովման մասին» Հայաստանի Հանրապետության օրենքի 3-րդ հոդվածում ամրագրված է, որ պետական պահպանությունն իրականացվում է գործունեության բացահայտ եւ գաղտնի մեթոդների եւ միջոցների կիրառման համակցության սկզբունքներով, իսկ նույն օրենքի 15-րդ հոդվածի համաձայն՝ ՀՀ պետական պահպանության ծառայությունում պետական եւ ծառայողական գաղտնիքի պաշտպանությունն իրականացվում է՝ «Պետական եւ ծառայողական գաղտնիքի մասին» ՀՀ օրենսդրությանը համապատասխան: Հայցվող տեղեկությունը, «Պետական եւ ծառայողական գաղտնիքի մասին» ՀՀ օրենքի 8-րդ եւ 12-րդ հոդվածների համաձայն, ընդգրկված է գաղտնագրման ենթակա տեղեկությունների հաստատված ցանկում, որի համաձայն՝ հատուկ պետական պաշտպանության ենթակա անձանց անվտանգության ապահովման կազմակերպման ձեռքի եւ մեթոդների, ինչպես նաեւ նրանց կեցության, սննդի եւ տրանսպորտային սպասարկման, այդ թվում՝ պաշտոնական պատվիրակությունների ընդունելությունների նպատակով միջոցառումների սպասարկման համար օրենսդրությամբ սահմանված կարգով եւ դեպքերում պետության կողմից անհրաժեշտ ապրանքների, աշխատանքների եւ ծառայությունների ձեռք բերման գործընթացի վերաբերյալ տեղեկությունները հույժ գաղտնի են, ուստի եւ, նույն օրենքի համաձայն, դասվում են պետական գաղտնիքի շարքին: **Շարունակությունը՝ ArmLur.am կայքում:**

ԻՐԱՎԻՃԱԿ

ԱՆՈՒՆՆԵՐ

ԵՐԵՎԱՆԻ ԱՎԱԳԱՆՈՒ ՄԿԱՆԴԱԼԱՅԻՆ ԿԱՆԱՅՔ

ՄԱՍՆԱԿՑՈՒԹՅՈՒՆՆ ԱՐԳԵԼԱՓԱԿԵԼ Է

ՍԴ աշխատակազմի նախկին ղեկավար Էդգար Ղազարյանն երեկ ֆեյսբուքյան իր էջում հայտարարել էր, որ «Հայաստան» դաշինքն արգելափակել է իր մասնակցությունը «Հայաքվե» հայտարարության նախագծի վերաբերյալ խորհրդարանական լուսմներին...

Հանդիսանալով «Հայաքվե»-ի սկզբնական նախաձեռնող խմբի 66 անդամներից մեկը, ինչպես նաև ակտիվորեն ընդգրկված լինելով նախաձեռնության քարոզչական աշխատանքներում իմ անունը շատերի հետ միասին ներկայացվել է ԱԺ «Հայաստան» խմբակցություն լուսմներին հրավիրելու նպատակով: Ավելին՝ ես նախապես հաստատել եմ ոչ միայն իմ հնարավոր մասնակցությունը, այլև լուսմների ժամանակ ելույթով հանդես գալու պատրաստակամությունը:

Լուսմներից մեկ օր առաջ ես տեղեկացվել եմ, որ «Հայաստան» խմբակցությունից ջնջել են իմ անունը հրավիրվածների ցանկից՝ հնարավորություն չտալով մասնակցել լուսմներին: Փորձելով հետաքրքրվել պատճառների մասին՝ ինձ պարզաբանել են, որ իմ անունը դուրս է մնացել հրավիրվածների ցանկից մասնակիցների մեծ թվի եւ դահլիճի սահմանափակումների պատճառով: Լուսմների ընթացքից պարզ եղավ, որ այդ «բացատրություն»-ը որեւէ հիմք չունի, քանի որ լուսմների ժամանակ դահլիճում առկա էին մի քանի տասնյակ ազատ տեղեր: Սա հիմք է տալիս պարզել, որ «Հայաստան» դաշինքի այդ որոշումը, որն արժանացել է «Հայաքվե» նախաձեռնության համակարգող մարմնի լուռ համաձայնությանը, ունի այլ պատճառներ: Ես ստիպված եմ կատարել իմ սեփական ենթադրությունները, որոնք անվազն ինձ համար հստակեցնում են գործող «ընդդիմության» իրական կարգավիճակը:

«Ժողովուրդ» օրաթերթի հետ գրույցում ԱԺ «Հայաստան» խմբակցության պատգամավոր Գեղամ Մանուկյանը, անդրադառնալով Էդգար Ղազարյանի գրառմանը, պարզաբանեց. «Այդ լուսմներին հրավիրյալների ցանկը սարսափելի մեծ է եղել՝ 200-ից ավել մարդ, ստիպված էինք ցանկը սահմանափակել, որպեսզի Ազգային ժողովի աշխատակազմը կարողանար նաեւ մուտքի թույլտվություն տալ: Ցավոք սրտի, մի քանի հրավիրյալների անուններ դուրս մնացին ցանկից, դրանց մեջ է եղել նաեւ Էդգար Ղազարյանը, ինչը, կարծում եմ, մեծ ողբերգություն է: Նախկինում էլ մեր կազմակերպած լուսմներին նա ներկա է եղել, դրանից հետո գրառում չի արել եւ շնորհակալություն հայտնել: Հավելեմ, որ լուսմներից առաջ Էդգար Ղազարյանը հեռախոսազրույցով տեղեկացվել է դրա մասին»:

Երեւանի նոր ձեւավորված ավագանին թեւս կարճ ժամանակ է, ինչ սկսել է իր աշխատանքը, բայց գրեթե բոլոր նիստերն ուղեկցվում են սկանդալներով, վիճաբանություններով եւ թեժ լեզվակոծիվներով:

Ընդ որում՝ առավել ակտիվ են ավագանու կին անդամները, որոնք հաճախ են հայտնվում վիճաբանությունների կենտրոնում: Այս ավագանին ունի 25 կին անդամ: «Ժողովուրդ» օրաթերթը կներկայացնի ավագանու կին անդամներին, որոնք առավել ակտիվ են եւ հաճախ են հայտնվում վիճաբանությունների կիզակետում:

Երեւանի ավագանու «Քաղաքացիական պայմանագիր» խմբակցության քարտուղար Նուարդ Վարդանյանն ավագանու ամենակազմակերպ անդամներից է, որն իր հայտարարություններով հաճախ է հայտնվում սկանդալի կենտրոնում: Նա ԱԺ ԲԳ խմբակցության պատգամավոր Ծովինար Վարդանյանի քույրն է: Նուարդ Վարդանյանը աչքի էր ընկել հատկապես այն բանից հետո, երբ 2019թ.-ին ֆեյսբուքյան իր էջում սպառնացել էր ընդդիմադիրների «անկանջ ծամել»: «Սա ձեզ համար 90-ականները չի, որ մարդ սպանեք շքամուտքի մոտ ու կոծկեք ձեր կեղծ բողկերը: Ես՝ որպես 90-ականների երեխա, որն էլ սարսափի մեջ է մեծացել, թույլ չեմ տալու, որ զարմուխիս ու մնացած մեր երեխաները դա արեն: Անհրաժեշտության դեպքում հատ-հատ բոլորիդ ականջները կծամեմ», - գրել էր նա, ինչից հետո հայտնվեց հանրության ուշադրության կենտրոնում:

Երեւանի ավագանու՝ հանրությանը հայտնի կին անդամներից է նաեւ երիտասարդ դերասանուհի Տաթև Գրիգորյանը: Նա ԲԳ-ի ցուցակով մասնակցեց ավագանու վերջին ընտրություններին եւ մուտք գործեց քաղաքականություն, ինչից հետո նրա հասցեին սուր քննադատություններ սկսեցին հնչել թե՛ հանրության, թե՛ անգամ իր կոլեգաների կողմից:

Դերասանուհի, ավագանու նորընտիր անդամ Տաթև Գրիգորյանը հերթական անգամ քննադատությունների կիզակետում հայտնվել էր օրերս՝ այն բանից հետո, երբ հայտարարել էր. «Իմ գիտակից կյանքում չեմ հանդիպել Արարատ Սիր-



զոյանի պես ԱԳ նախարարի»: ԱԺ ԲԳ խմբակցության ղեկավար Հայկ Կոնջորյանի օգնականը՝ Նատալի Սինորյանը նույնպես ԲԳ խմբակցության կազմում գործուղվել է ավագանի: Վերջինս այս ընթացքում սկանդալների կենտրոնում չի հայտնվել, փոխարենն աչքի է ընկել լրագրողների նկատմամբ իր դժկամ եւ խուսափողական վերաբերմունքով: Նա ԱԺ-ում էլ մշտապես փորձում էր խոչընդոտել լրագրողների աշխատանքը, եւ, ըստ մամուլում շրջանառվող տեղեկությունների, Կոնջորյանի փոխարեն նա էր «կառավարում» ԲԳ-ն:

Ավագանու հնաբնակներից Իզաբելլա Աբգարյանը, որը ավագանի էր մուտք գործել 2018թ.-ին իշխող «Իմ քայլը» կուսակցության ցուցակով, պատերազմից հետո՝ 2020թ.-ին, խմբակցությունից դուրս գալու դիմում էր ներկայացրել, իսկ արդեն 2023թ.-ի ավագանու ընտրություններին նա մասնակցեց ընդդիմադիր թեւից հանդես եկող նախկին քաղաքապետ Հայկ Մարությանի թիմով: Այժմ նա «Ազգային առաջընթաց» խմբակցության քարտուղարն է:

«Կանաչապատում եւ շրջակա միջավայրի պահպանություն» ՀՈԱԿ-ի նախ-

կին փոխտնօրեն Քրիստինա Վարդանյանը նույնպես Հայկ Մարությանի թիմում է: ՀՀ առաջին ՄԻՊ Լարիսա Ալավերդյանի դուստրը՝ Նարե Արամյանը եւս ավագանու անդամ է: Նա 2023թ. սեպտեմբերի 17-ին կայացած Երեւանի ավագանու հերթական ընտրություններում «Ազգային առաջընթաց» կուսակցության համամասնական ցուցակով ընտրվել է Երեւանի ավագանու անդամ: ԲԳ-ի հետ կոալիցիա կազմած «Հանրապետություն» կուսակցության ղեկավար Անի Խաչատրյանը վերջերս ավագանիում տեղի ունեցած վիճաբանության կիզակետում էր հայտնվել: Նրա սուր ելույթից հետո «Մայր Հայաստան» խմբակցության անդամ Սոնա Աղեկյանի հետ թեժ վիճաբանություն սկսվեց, որն ուղեկցվեց միմյանց վրա ջուր շփելով, մազ քաշելով:

Ավագանու կին անդամների սկսած թեժ վեճը շարունակվել էր նաեւ քաղաքապետարանի միջանցքներում արդեն ավագանու անդամների եւ վարչական շրջանների ղեկավարների մասնակցությամբ: Սոնա Աղեկյանը նույնպես ավագանու ամենականգալային դեմքերից է: Նա հանրությանը հայտնի դարձավ այն բանից հետո, երբ 2019թ.-ին՝ նախկին քաղաքապետ Տարոն Մարգարյանի պաշտոնավարման ժամանակ, կոյուղաջրեր էր տարել քաղաքապետարան: Քաղաքապետարանում տեղի ունեցած վեճի կենտրոնում էր նաեւ «Մայր Հայաստան» խմբակցության անդամ Նարինե Հայրապետյանը, որը հայիտյանքներ էր հնչեցրել վեճի ժամանակ: Վերջինս ԵԿՄ, «ՀԱԲ», «Ֆիդայիներ», «Արցախյան պատերազմի վետերաններ», «Ազատամարտ», «Արծիվ 30», «Առաջին գունդ», «Հայ-ռուսական բարեկամության դաշինք» եւ այլ կազմակերպությունների անդամ է: Նա շատ սուր գրառումներով է հաճախ հանդես գալիս նաեւ ֆեյսբուքյան իր էջում: Ավագանու ամենաէքսցենտրիկ կին անդամներից է նաեւ «Մայր Հայաստան» խմբակցությունից Զարուհի Փոստանյանը:

Նա թեւեւ ավագանու նիստերին չի մասնակցում, բայց հաճախ է սկանդալային հայտարարություններով հանդես գալիս եւ խոստանում է «ԲԳ-ի կյանքը դժոխքի վերածել»:

Քրիստինա Մարության

ՕՐՎԱ ԽՃԱՆԿԱՐ

ԲՈՒՆՏ ԵՆ ՀԱՅՏԱՐԱՐՈՒՄ

«Ժողովուրդ» օրաթերթի տեղեկությունների համաձայն՝ Երեւան քաղաքի 13 եւ 40 համարի ավտոբուսի վարորդները բուևտ են հայտարարում եւ ստորագրահավաք են սկսում: Բանն այն է, որ վարորդները հայտնվել են փակուղու առաջ եւ չգիտեն՝ ինչպես քաղաքացիներին բացատրել, թե որն է իրենց ժամերով ուշանալու բուևտ պատճառը:

Ըստ վարորդների՝ Նար-Դոս եւ Խորենացի փողոցներում մեքենայի անվներ վաճառող խանութների առետրականները ճանապարհահատվածը վերածել են շուկայի. «Օրվա որ ժամը լինի, մենք չենք կարողանում այդ հատվածում երթեւեկությունը պատշաճ իրականացնել եւ սպասարկել կանգառներում ժամերով մեզ սպասող քաղաքացիներին: Մի քանի անգամ ահազանգել ենք ոստիկաններին, եւ նշված փողոց են եկել ոստիկանության մեքենաները, պարեկները ստիպել են առետրականներին ճանապարհից հեռացնել իրենց ապրանքները, որպեսզի

Նար-Դոս եւ Խորենացի փողոցներում երթեւեկությունը վերականգնվի:

Բայց հենց ոստիկանությունը գնում է, առետրականները նորից հանում են անիվները եւ այլ ապրանքներ: Ես չեմ հասկանում դժվար է՝ այդ հատվածում ոստիկանությունն ամեն օր վերահսկողություն սահմանի եւ առետրականներին թույլ չտա ապրանքները հանել եւ դնել ճանապարհին: Ծիշտ հասկացե՛ք՝ թե՛ այնտեղ ամեն օր ոստիկանության աշխատակիցներ լինեն, վստահեցնում եմ ձեզ՝ երթեւեկությունը կկարգավորվի, իսկ մենք ժամանակին կհասնենք կանգառներ, եւ քաղաքացիներն էլ ստիպված չեն լինի ժամերով սպասել 13 եւ 40 համարներին», - «Ժողովուրդ» օրաթերթի հետ գրույցում նշում են վարորդները:

ՏԵՐՄԻՆԱԼՆԵՐ՝ ՄԵՏՐՈՅՈՒՄ

Միասնական տոմսային համակարգի ծրագրի շրջանակում Երեւանի մետրոպոլիտենի 10 կայարաններում տեղադրվել են մոտ 20 վճարային տերմինալներ (վալի-

դատորներ). այս մասին նոյեմբերի 27-ին՝ Երեւանի քաղաքապետարանի գործակալարանական հերթական խորհրդակցության ժամանակ, ասաց Երեւանի մետրոպոլիտենի գլխավոր տնօրենի պաշտոնակատար Բարկեն Սեդրակյանը:

Նա նաեւ տեղեկացրեց, որ առաջիկա 10 օրվա ընթացքում մետրոպոլիտենը կհամալրվի մեկ շարժակազմով՝ երեք վագոններով:

«Երկու շարժակազմ էլ՝ 3-ական վագոններով, առաջիկա ամիսներին գիծ դուրս կգա: Արդյունքում 3 ամսվա ընթացքում կունենանք երեք նոր շարժակազմ», - ասաց Սեդրակյանը:

Հավելենք, որ անցած շաբաթ մետրոպոլիտենում ուղեւորափոխադրումների թիվը կազմել է 565 հազար 746 ուղեւոր, գիծ է դուրս բերվել 2836 շարժակազմ:

Հիշեցնենք, որ ներկայումս քաղաքային իշխանությունները աշխատանքներ են տանում միասնական վճարային համակարգի ներդրման ուղղությամբ: Այն թույլ կտա քաղաքացիներին Երեւանի հասարակական տրանսպորտի ուղեվարձը վճարել 4 եղանակով:



ՊԱՐԶԿԵՑ

ՀԱՓՇՏԱԿԵԼ ԵՆ ՄՈՏ 55000 ԳՈՒԼԱՐ

ՀՀ ազգային անվտանգության ծառայության երեսնամյա ֆառային վարչությունում ստացված օդերահիվ սվյալների իրացման արդյունքում ներկայացված առերեսույթ հանցանքի մասին հաղորդման եւ դրան կից ներկայացված համադասասխան փաստը հաստատող նյութերի հիման վրա քննչական գլխավոր վարչությունում նախաձեռնված քննչական վարչությունը իրականացված համալիր օդերահիվ-հետախուզական միջոցառումների ու վարույթային գործողությունների արդյունքում բացահայտել են նախնական համաձայնությամբ, խմբի կազմում առանձնադեպ խոշոր չափերով խարդախություն կատարելու, դրան օժանդակելու, ինչդեպ նաեւ սեղակյան ինքնակառավարման մարմնի կազմակերպության եւ առեսույթին կազմակերպության կողմից սրվող իրավաբանական նշանակություն ունեցող փաստ հավաստող եւ իրավունք վերադառնող փաստաթղթեր կեղծելու առերեսույթ դեղմեր:



բաշխման գործընթացում ներգրավված Գ.Ս-ի, Ա.Ա-ի, Երեսնամյա քաղաքացիության երեսնամյա քաղաքացիության մակապարտեզների պատասխանատու անձանց եւ այլ անձանց՝ միջոցներ տրամադրելու եւ խոչընդոտները վերացնելու եղանակներով դրսևորված օժանդակության 2023 թվականի փետրվարից նույններ ամիսների ընթացքում փոխանցման եղանակով ստացել եւ խաբեության եղանակով հափշտակել են փաստացի չմատակարարված ապրանքների խմբաքանակների դիմաց վճարված՝ առանձնապես խոշոր չափերով գումարները:

Միեւնույն ժամանակ խուզարկություններ են կատարվել հանցավոր խմբի անդամների բնակության հասցեներում, դրանց կից շինություններում, աշխատավայրերում, ավտոմեքենայում, ընդհանուր շուրջ չորս տասնյակ հասցեներում, որոնց ընթացքում հայտնաբերվել են առանձնապես խոշոր չափերով հափշտակություն կատարելու վերաբերյալ գրառումներ պարունակող նոթատետրեր, փաստաթղթեր, շուրջ 55.000 ԱՄՆ դոլարին համարժեք 22 մլն 33 դրամ գումար, ոսկյա զարդեր, ինչպես նաեւ բջջային հեռախոսներ, համակարգիչներ:

«Կատարված ապացուցողական եւ վարույթային այլ գործողությունների արդյունքում պարզվել է, որ նախադարձական ուսումնական հաստատություններում երեխաների սննդի մատակարարման պետական գնումների մրցույթներում հաղթող ճանաչված եւ սննդի մատակարարմամբ զբաղվող «Հայկազունք» եւ «Ֆոտոն» սահմանափակ պատասխանատվությամբ ընկերությունների փաստացի սեփականատեր Յ.Ա.-ն, նշված ընկերություններում վարորդ-առաքելի գործառույթներ փաստացի իրականացնող Պ.Ս-ի հետ նախնական համաձայնությամբ, խմբի կազմում մեկ միասնական դիտավորությամբ խաբեության եղանակով կեղծ փաստաթղթերի օգտագործմամբ, առանձնապես խոշոր չափերի գումարներ հափշտակելու դիտավորությամբ, միմյանց գործողությունները փոխարկելով, տեղական ինքնակառավարման մարմնի կազմակերպության եւ առեսույթին կազմակերպության կողմից տրվող, իրավաբանական նշանակության փաստ հաստատող եւ հատուցման իրավունք վերապահող, տարբեր տեսակի սննդի պահանջարկի եւ մատակարարված լինելու վերաբերյալ իրականությանը չհամապատասխանող ուռճացված տվյալներով կազմված կեղծ փաստաթղթերի օգտագործմամբ, «Հայկազունք» ՍՊ ընկերության աշխատակիցներ Կ.Ս-ի, Ն.Յ-ի, Ն.Ն-ի, Ա.Ս-ի, Ռ.Ս-ի, ինչպես նաեւ մասնաբերքի տեսակավորման եւ

Քրեական վարույթի շրջանակներում ձեռք բերված բավարար փաստական տվյալների հիման վրա՝ հանցավոր խմբի 9 անդամների նկատմամբ, 33 քրեական օրենսգրքի համապատասխան հոդվածով, հարուցվել են հանրային քրեական հետապնդումներ, ներկայացվել են մեղադրանքներ: Հանցավոր խմբի անդամների մի մասը խոստովանական ցուցմունքներ է տվել հափշտակության կատարման մեխանիզմի, հանցավոր խմբի անդամների դերակատարության, հանցավոր ճանապարհով ստացված եկամտի բաշխման, առանձնապես խոշոր չափերով հափշտակության կատարման հանգամանքների շուրջ կայացված պայմանավորվածությունների, դրանք իրագործման եղանակների եւ այլնի մասին: Ցուցմունքին կից ներկայացվել են նաեւ հափշտակության կատարման հանգամանքը հիմնավորող, ինչպես նաեւ հանցավոր եկամտի բաշխման չափի վերաբերյալ փաստական տվյալներ պարունակող գրառումներով փաստաթղթեր: Հանցավոր խմբի անդամներից հինգի նկատմամբ որպես խափանման միջոց կիրառվել է կալանքը:

Հարցաքննվել են նաեւ Երեսնամյա քաղաքացիության մակապարտեզների շուրջ երկու տասնյակ աշխատակիցներ, որոնց մի մասը տվել է խոստովանական ցուցմունքներ՝ տեղի ունեցած առանձնապես խոշոր չափերով հափշտակության հանգամանքների, հիշյալ հանցանքներին իրենց առնչության եւ քրեական վարույթով ապացուցողական նշանակություն ունեցող մի շարք այլ հանգամանքների վերաբերյալ:

Նախաքննությունը շարունակվում է, իրականացվում են վարույթային գործողություններ եւ օպերատիվ-հետախուզական միջոցառումներ՝ դեպի ամբողջական հանգամանքները, այդ թվում՝ մեծ ծավալի հասնող հափշտակության ամբողջական չափը եւ հանցավոր խմբի կազմում ներգրավված անձանց ողջ շրջանակը պարզելու, նրանց նկատմամբ քրեաիրավական ներգործության միջոցներ կիրառելու, ինչպես նաեւ ենթադրյալ հանցագործության պատճառված վնասից հատուցումն ապահովելու ուղղությամբ»,- ասվում է հղորդագրության մեջ:

ՁԵՐԲԱԿԱԼԵԼ ԵՆ

«ՕՐԵՆՔՈՎ ԳՈՂԵՐՆ» ՈՒ ՕՐԵՆՔԸ



Ոստիկանությունը շարունակում է հետետողական եւ անզիջում պայքար քրեական ենթամշակույթի դեմ: Օրերս տրամաբանական ավարտին հասավ հերթական միջոցառումը:

«Ժողովուրդ» օրաթերթի տեղեկություններով՝ նոյեմբերի 17-ին Քրեական ոստիկանության գլխավոր վարչությունում ստացվել են օպերատիվ տեղեկություններ, որ Երեսնամյա Դավիթ Բեկի փողոցում տեղի է ունեցել վիճաբանություն: Ձեռնարկված միջոցառումների արդյունքում պարզվել է, որ այդ օրը՝ ժամը 16.20-ին, «Տոյոտա» մակնիշի մեքենայի վարորդ, քրեական աստիճանակարգության բարձրագույն կարգավիճակ ունեցող, այսպես կոչված՝ «օրենքով գող» Վիտալի Թեփիսսկի մականվամբ հայտնի Վ. Ա.-ն եւ նրան ուղեկցող անձինք վիճաբանել են նույնպես «օրենքով գողի» կարգավիճակ ունեցող՝ Արսեն Երեսնամյա մականվամբ հայտնի Ա. Ս.-ի եւ «Մերսեդես» մակնիշի մեքենայի վարորդի հետ: Այդ ընթացքում կողմերը բացահայտ անհարգալից վերաբերմունք են դրսևորել հասարակության նկատմամբ, կոպիտ կերպով խախտել են հասարակական կարգը, միմյանց նկատմամբ հնչեցրել հայհոյանքներ, հասցրել հարվածներ:

Նույն օրը վկան է Նոր Նորք վարչական շրջանների քննչական բաժնում նախաձեռնվել է քրեական վարույթ՝ խուլիգանության հատկանիշներով:

Քրեական ոստիկանության գլխավոր վարչության ծառայողների ձեռնարկված օպերատիվ-հետախուզական լայնածավալ միջոցառումների ավարտը նոյեմբերի 22-ին էր: Ու թեեւ ստացվել էին տեղեկություններ, որ Վիտալի Թեփիսսկին ու նրան ուղեկցողները զինված են, պրոֆեսիոնալ աշխատանքի շնորհիվ ապահովվեց միջոցառման անվտանգությունը:

Ժամը 13:10-ին Երեսնամյա ավտոճանապարհի Սեւան քաղաքի մոտ, կանգնեցվեց վերոհիշյալ «Տոյոտան»: Խուլիգանություն կատարելու կասկածանքով ձերբակալվեցին եւ ոստիկանության Նոր Նորքի բաժնի տեղափոխվեցին «օրենքով գող» ու նրան ուղեկցող երեք անձինք:

Անձնական խուզարկությամբ Վիտալի Թեփիսսկու մոտ հայտնաբերվեց զիպ փականով փաթեթ՝ բյուրեղաման գանգվածով, հոգեմետ երկու դեղահաբ, իսկ մեքենայի միջոց հայտնաբերվեց երկու ատրճանակ:

Բոլորն էլ ներկայացվել են վարույթ իրականացնող մարմին եւ ձերբակալվել:

«Ժողովուրդ» օրաթերթը ավելի վաղ գրել էր, որ Երեսնամյա ձերբակալվել են վրաց «օրենքով գողի»:

ՈՒՇԱԳՐԱԿ

ՌՈՒՄԲ՝ ԳՂՐՈՑՈՒՄ

Երեկ «Ժողովուրդ» օրաթերթին տեղեկություններ հասան, որ Կամոյի միջնակարգ դպրոցում ահազանգ է ստացվել, որ ժումբ կա տեղադրված: Դեպքի վայր է շտապել ԱՍԾ-ն, եւ դադարեցրել են դպրոցում դասապրոցեսը: Կատարվեցին որոնողական աշխատանքներ՝ հասկանալու համար՝ արդյոք դպրոցում ժումբ կա տեղադրված, թե ոչ: Փաստ է մեկ բան, որ դպրոցում դասերն ընդհատվել են, եւ երեխաներին ուղարկել են տուն: Դեպքով զբաղվում է Ազգային անվտանգության ծառայությունը:

ԻՆՔՆԱՍՊԱՆՈՒԹՅԱՆ ՓՈՐՉ

«Ժողովուրդ» օրաթերթին հասած տեղեկությունների համաձայն՝ 48-ամյա տղամարդն Արդարադատության նախարարության ենթակայության տակ գործող հարկադիր կատարման ծառայության շենքի դիմաց բենզինը լցրել է իր վրա՝ փորձելով ինքնահրկիզվել: Արդարադատության նախարարության ենթակայության տակ գտնվող հարկադիր կատարման ծառայության շենքի մոտ սկսվել է իրարարանցում: Հարկադիր կատարման ծառայողները, վտանգելով իրենց կյանքը, կանխել են քաղաքացու

ինքնահրկիզման գործողությունները: Իսկ ինչն է դրդել 48-ամյա տղամարդուն գնալ ծառայության շենքի մոտ եւ նման քայլի դիմել: Մեր լրագրողական հետաքննության արդյունքում պարզեցինք, որ ինքնասպանության փորձ կատարած 48-ամյա տղամարդու նախկին կինը վարկային պարտավորություններ ունի, ինչի հետեւանքով Դատական ակտերի հարկադիր կատարում ապահովող ծառայությունը քաղաքացու բնակարանը դրել է կալանքի տակ, ինչից դրդված՝ նա փորձել է վերջ տալ կյանքին: Իրավապահները դեպքով քննություն են իրականացնում:

ՔՆԱՐ ՄՍՆՈՒԿՅԱՆ

● Ըստ ոստիկանության տվյալների՝ նոյեմբերի 24-ից 27-ը Հայաստանի Հանրապետությունում բացահայտվել է հանցագործության 128 դեպք, որոնցից 2-ը՝ նախկինում կատարված:

ՄԱՐԶ

ՄՊԱՆԴԱՆՈՑՆԵՐ ԶԿԱՆ

ՀՀ Ազգային ժողովի կողմից ընդունված «Սննդամթերքի անվտանգության պետական վերահսկողության մասին» օրենքում լրացում կատարելու մասին» օրենքի համաձայն՝ դեկտեմբերի 6-ից պետական վերահսկողության ընթացքում ոչ սպանդանոցային մորթի արդյունքում ստացված կենդանական ծագման հումք եւ մթերք հայտնաբերելու դեպքում կասեցվելու է ամբողջ խմբաքանակի իրացումը, միաժամանակ կայացվելու է խմբաքանակի առգրավման եւ ոչնչացման որոշում: Տավուշի մարզպետ Հայկ Ղալումյանին տեղեկատվական հարցում ենք ուղարկել՝ հարցնելով, թե մարզի համայնքներում քանի սպանդանոց է գործում: Մարզպետի պատասխանում նշված է. «Մարզում գործում է 3 սպանդանոց՝ Նոյեմբերյան (ք. Նոյեմբերյան), Բերդ (ք. Բերդ), Իջեան (Գետահովիտ) համայնքներում: Դիլիջան համայնքում սպանդանոց չկա, ֆերմերներն օգտվում են Իջեանի սպանդանոցի ծառայություններից»:

Զբոսաշրջային քաղաք, բազում հյուրանոցներ, հյուրատներ ու ռեստորաններ ունեցող Դիլիջան քաղաքում եւ Դիլիջան համայնքի 6 գյուղերում սպանդանոց չկա: Մարզպետի այն պնդումը, թե դիլիջանցի ֆերմերներն օգտվում են Իջեանի սպանդանոցի ծառայություններից, իրականությանը չի համապատասխանում:

Անհավատալի է, որ երբ Դիլիջան քաղաքում մի ոչխար, այծ, խոզ կամ կով են ցանկանում մորթել, այդ անասունը բարձր են բեռնատարին, քշում 34 կիլոմետր, հասնում Իջեանի սպանդանոց, անասունն այնտեղ մորթում եւ վերադառնում են Դիլիջան:

ՄԻԱՄԵԱԿԱՆ ԶԵՎՈՎ ՄԵՐԺԵԼ Է

Նոյեմբերի 23-ին կայացել է Բերդ համայնքի ավագանու նիստ, որի օրակարգում հետեւյալ հարցն էր՝ տալ թույլտվություն՝ ՀՀ Տավուշի մարզի Բերդ խոշորացված համայնքի վարչական սահմաններում գտնվող Տավուշ - Խնձորուտ հանքային դաշտի տարածքում որպես ընդերքի տեղամասում օգտակար հանածոների արդյունահանման նպատակով 3 տարի ժամկետով երկրաբանական ուսումնասիրություն կատարելու վերաբերյալ: Նիստի մասնակից ավագանու բոլոր 15 անդամները դեմ են քվեարկել այդ թույլտվության տրամադրմանը: Ավելի վաղ՝ հոկտեմբերի 26-ին՝ Բերդ քաղաքի մշակույթի տանը կայացած հանրային լուսնային ընթացքում, Բերդ խոշոր համայնքի բնակիչները դեմ էին արտահայտվել «Վալլեքս գրուպ»-ի կազմի մեջ մտնող «Լեռնամետալուրգիայի ինստիտուտ» ՓԲԸ-ի կողմից Տավուշ - Խնձորուտ հանքային դաշտի տարածքում որպես ընդերքի տեղամասում օգտակար հանածոների արդյունահանման նպատակով երկրաբանական ուսումնասիրություն կատարելուն:

ՈՍՎԱՆ ՍՈՐՈՍՅԱՆ Տավուշ

ԲՅՈՒՋԵ

ՊԵՏԱԿԱՆ ՊԱՐՏՔՆ ՈՒ ԵԿԱՄՈՒՏՆԵՐԸ

Հայաստանի դեռահաս զորքերի 2023 թվականի 9 ամիսների արդյունքում կազմել է 4 սրլն 454 մլրդ դրամ: «Ժողովուրդ» օրաթերթի հաղորդմամբ՝ Աժ ֆինանսավարկային եւ բյուջեսային հարցերի մեծահասակ հանձնաժողովի նիստին՝ 2023 թվականի դեռահաս բյուջեի ինն ամիսների կատարման ընթացքի վերաբերյալ տեղեկանքի ֆինանսմանը, այս մասին ասաց ֆինանսների փոխնախարար Վահան Սիրունյանը:

«Դրամային եւ դոլարային արտահայտությամբ ՀՀ պետական պարտքը 2023թ. 9 ամիսների ընթացքում աճել է 6.4 տոկոսով: Այն աճել է համամասնորեն, քանի որ փոխարժեքը, ըստ էության, նախորդ տարվա տարեվերջի համեմատ՝ մեծ տատանում չի ունեցել: Կենտրոնական բանկի պարտքը նվազել է, իսկ կառավարության պարտքն աճել է մոտ 7 տոկոսով: Պետական պարտքը կազմել է 4 տրլն 454 մլրդ դրամ: Նախորդ տարվա տարեվերջի 4 տրլն 186.7 մլրդ դրամի դիմաց՝ կառավարության պարտքը կազմել է 4 տրլն 244 մլրդ դրամ, արտաքին պարտքը՝ 2 տրլն 354 մլրդ դրամ, ներքին պարտքը՝ 1 տրլն 890 մլրդ դրամ»,-ասաց Սիրունյանը:

Դոլարային արտահայտությամբ պետական պարտքը 9 ամսում կազմել է 11 մլրդ 322 մլն դոլար, կառավարության պարտքը՝ 10 մլրդ 790 մլն դոլար, Կենտրոնական բանկի պարտքը՝ 531 մլն դոլար:

Փոխնախարարի վստահեցմամբ՝ ընդհանուր առմամբ, կառավարության պարտքի գծով սահմանված բոլոր ուղեկիշերը պահպանվել են, իսկ պարտքի միջին տոկոսադրույքը նախորդ տարեվերջի նկատմամբ աճել է 0.7 տոկոսային կետով:



Ըստ էության, պարտքի կառավարման տեսանկյունից Հայաստանը գտնվում է ռիսկի սահմանված ուղեկիշների շրջանակներում:

«Կառավարության պարտքի կառուցվածքը բարելավվել է, ժամանակահատվածի վերջին դրությամբ աստիճանաբար ավելացել է դրամային պարտքի մասնաբաժինը, ներքին պարտքի եւ դրամային պարտատոմսերի մասնաբաժինն ենք ավելացնում աստիճանաբար: Ֆիքսված տոկոսադրույքով պարտքը գերազանցել է ռազմավարության սահմանված նվազագույն 80 տոկոսի ցուցանիշը, այս պահին կազմում է 84 տոկոս»,-ասաց փոխնախարարը:

Նշենք նաեւ, որ Հայաստանում պետական բյուջեի եկամուտներն այս տարվա 9 ամիսների արդյունքում կազմել են 1 տրլն 708 մլրդ դրամ՝ 2022-ի նույն ժամանակահատվածի նկատմամբ աճելով 13.8 տոկոսով:

Փոխնախարարն ընդգծեց, որ 2023թ. 9 ամիսների պետական բյուջեի հարկային եկամուտները շարունակել են աճել բարձր տեմպով՝ պայմանավորված հիմնականում բարձր տնտեսական աճի պայմաններում հարկային բազայի ընդլայնմամբ, ինչպես նաեւ հարկային վարչարարության ջանքերով:

Հավելենք, որ հավելուրդը կազմել է 74.6 մլրդ դրամ՝ պլանավորված 248.4 մլրդ դրամ պակասորդի դիմաց:

ԱՆՑՈՒԴԱՐՁ

ԼԱՐՎԱԾ ԻՐԱՎԻՃԱՆ՝ ԼԱՐՍՈՒՄ

Հայ-ռուսական հարաբերությունների լարումից եւ ՀԱՊԿ գազաթանաժողովների Հայաստանի չմասնակցելու պատճառով ռուսական կողմը լարվել է նաեւ հայ տնտեսվարողների դեմ:

Ըստ «Ժողովուրդ» օրաթերթի տեղեկությունների՝ հայ տնտեսվարողներին Լարսի անցակետից հետ են ուղարկել Հայաստան՝ ասելով. «Պնայցք եւ պատճառը ձեր կառավարությունից հարցրեք»: Տնտեսվարողները դեպի Ռուսաստան արտահանում էին բանջարեղեն, սննդամթերք, ծաղիկներ, նաեւ ձկնեղեն: «Ժողովուրդ» օրաթերթի հետ զրույցում նրանք նշում են, որ Լարսի անցակետում գտնվող «Ֆիտո» սահմանադաշտի կետում սննդամթերքների լարումից հետո նրանք թողել են վերադարձրել եւ հետ ուղարկել Հայաստան:

«Ժողովուրդ» օրաթերթին տնտեսվարողները հայտնեցին, որ իրենք այդ ստուգումներն ամեն անգամ անցել են, սակայն այս անգամ նրանց ակնհայտ ատելությամբ են վերաբերվել:

Հավելենք նաեւ, որ սա հետեւանք է Հայաստանի կառավարության ոչ աջակցությամբ:

Նշենք, որ ՀԱՊԿ գազաթանաժողովների չմասնակցելուց հետո Պետկովը հույս



է հայտնել, որ Հայաստանը կվերականգնի ՀԱՊԿ-ին լիարժեք մասնակցությունը:

Տեղեկություններն առաջիկայում կթարմացվեն:

ԷՄՄԱ ՄԻՔԱՅԵԼՅԱՆ

ԾԱԽՍԵՐԻ ԿԱՏԱՐՈՂԱԿԱՆԸ

ՀՀ պետբյուջեի ծախսերի մասի կատարողականը 2023թ. կազմել է 84,6 տոկոս: Այս մասին Ազգային ժողովում Ֆինանսավարկային եւ բյուջետային հարցերի խորհրդարանական մշտական հանձնաժողովի նիստին՝ 2023թ. ինն ամիսների պետական բյուջեի կատարողականի մասին հաշվետվության քննարկման ժամանակ՝

Նակ՝ Նոյեմբերի 27-ին, ասել է ֆինանսների փոխնախարար Վահան Սիրունյանը:

2022թ. այդ ցուցանիշը 86,6 տոկոս էր: Կապիտալ ծախսերի գծով կատարողականը կազմել է 57,4 տոկոս: Անցած տարի այդ ցուցանիշը կանգ է առել 63,2 տոկոսի մակարդակի վրա:

«Ծախսերի մեծ մասը բաժին է ընկել աշխատանքի եւ սոցիալական հարցերի նախարարությանը: Խոսքը մոտավորապես 507 մլրդ դրամի մասին է: Պաշտպանության նախարարության ծախսերը կազմել են 301,2 մլրդ դրամ: Տարածքային կառավարման եւ ենթակառուցվածքների նախարարության ծախսերը կազմել են 192,6 մլրդ դրամ»,- նշել է Սիրունյանը:

● Անցած 3 օրվա ընթացքում Հայաստանի Հանրապետությունում արձանագրվել է 28 ՃՏՊ. 3 մարդ զոհվել է, 35-ը՝ ստացել տարբեր աստիճանի մարմնական վնասվածքներ:





ԱՐՑԱԽ

ՑԱՎԸ ՄՓՈՓՈՒՄ ԵՆ ԹՈՌՆԵՐԸ

«Մինչև 1988 թվականը ապրել եմ Շուշի քաղաքում: 1988 թվականին, երբ սկսվեց դաժանագույն ընթացիկը հեռափոխվեցիմք Մեծիամակեր: 4 զավակ եմ ունեցել, մեծ չարչարանքով մեծացրել, բոլորին բարձրագույն կրթության սվել:

Ամուսինս 1992 թվականին Մարտակերտի «Կանալ» կոչվող տեղամասում վիրավորում է ստացել, որից հետո վիրավորումը ծանր հետք թողեց նրա առողջության վրա: Հաճախակի էր ունենում էպիլեպսիկ նոպաներ: Մեկ տարի Ստեփանակերտում բուժում ստանալուց հետո վիճակն ավելի վատացավ: Դիմեցինք այդ ժամանակ ՊԲ Նախարար Սամվել Բաբայանին: Աջակցեց, ու նրա միջնորդությամբ ուղարկեցինք Մոսկվա՝ բուժվելու... Գնաց, բայց էլ չվերադարձավ»,- «Շողովուրդ» օրաթերթի հետ զրույցում պատմում է Արցախից բռնի տեղահանված, որդեկորույս Գյուլվարդ Աթայանը:



մեր զրուցակիցը: Որդուն հուղարկավորեցին «Եռաբլուր» գինվորական պանթեոնում, իսկ 2021 թվականի հունվարին վերադարձան Ստեփանակերտ՝ հայրենի հողում ապրելու ու արարելու:

«Հարսս որոշեց, որ պիտի կրի ամուսնու համազգեստը, աշխատանքի անցավ Արցախի Հանրապետության ներքին գործերի նախարարության արտաքին իրավաճակների պետական ծառայությունում: Պետությունը, որպես զոհվածի ընտանիք, 3 սենյականոց բնակարան հատկացրեց: Հարսին ու որդուն երեք անչափահաս երեխաների հետ այնտեղ էի ապրում. ինչով կարողանում, օգնում էին: Ցավս միայն սփոփում էին որդուս երեխաները»,-

ասում է տիկին Գյուլվարդը: Հիմա տիկին Գյուլվարդն ապրում է Արուսյան քաղաքում հաշմանդամության խնդիր ունեցող մոր, հարսի ու թոռների հետ: Նպաստ, թոշակ չեն ստանում, իսկ պետության հատկացրած գումարը հերիքում է միայն տան վարձին ու ամենօրյա կենցաղային ծախսերին:

«Թվում էր՝ կյանքը գոնե որդուս երեխաներին հանգիստ ու անհոգ ապրելու հնարավորություն կտա, սակայն պատերազմը տակնուվրա արեց ամեն ինչ: Հիմա արդեն որերորդ անգամ ամեն ինչ պիտի սկսենք զրոյից, եւ ամենացավալին այն է, որ ո՛ր որդիս կա, ո՛չ հայրենիքս»,- ասում է տիկին Գյուլվարդը:

«ՅՈՒՆԻԲԱՆԿ»

ՄՏՈՐԱԳՐՎԵՑ ՀՈՒՇԱԳԻՐ

«Յունիբանկ» ԲԲԸ-ի եւ Հայաստանի ըմբռանարտի ֆեդերացիայի միջեւ ստորագրվեց համագործակցության դաշմանագիր, եւ «Յունիբանկ»-ը դարձավ Հայաստանի ըմբռանարտի ֆեդերացիայի գլխավոր հովանավորը: Համագործակցության դաշմանագիրը ստորագրեցին «Յունիբանկ»-ի վարչության նախագահ Մեսրոպ Հակոբյանը եւ Հայաստանի ըմբռանարտի ֆեդերացիայի նախագահ Ռոբերտ Խաչատրյանը:



զեմպիոն Մալխաս Ամոյանը, հունահռոմեական ըմբռանարտի աշխարհի առաջնության բրոնզե մեդալակիր եւ Եվրոպայի առաջնության կրկնակի մրցանակակիր Սլավիկ Գալստյանը, ազատ ոճի ըմբռանարտի Եվրոպայի եռակի չեմպիոն, աշխարհի եռակի բրոնզե մեդալակիր եւ մինչեւ 23 տարեկանների աշխարհի առաջնության կրկնակի չեմպիոն Արսեն Հարությունյանը, ազատ ոճի ըմբռանարտի Եվրոպայի չեմպիոն, աշխարհի անհատական Գավաթի խաղարկության ոսկե մեդալակիր, աշխարհի առաջնության բրոնզե մեդալակիր, աշխարհի մինչեւ 23 տարեկանների առաջնության չեմպիոն Վազգեն Թեւակյանը: Ակումբի կազմում ընդգրկված են նաեւ

Unisport ֆուտզալի թիմը, հրաձգության աշխարհի գավաթի ոսկե մեդալակիր, Եվրոպայի առաջնության բրոնզե մեդալակիր, Եվրոպական խաղերի արծաթե մեդալակիր ու ռեկորդակիր Էլմիրա Կարապետյանը եւ այլ անվանի մարզիկներ: «Շնորհակալ եմ «Յունիբանկ»-ին նման համագործակցության համար: Հուսամ միասին երկար ճանապարհ ենք անցնելու: Բանկը ողջունելի քայլեր է ձեռնարկել՝ հանուն հայ մարզիկների եւ սպորտի զարգացման: Հայկական սպորտի զարգացմանն ուղղված աշխատանքի պտուղները վայելելը երկար սպասեցնել չի տա»,- նշեց Հայաստանի ըմբռանարտի ֆեդերացիայի նախագահ Ռոբերտ Խաչատրյանը:

ՀԱՅՏԱՐԱՐՈՒԹՅՈՒՆՆԵՐ ՀԱՅՏԱՐԱՐՈՒԹՅՈՒՆ (1)

Կորել է Երեւանի ԳԳՄ Մալաթիա-Սեբաստիա ծառայության աշխատող՝ հսկիչ Սոնա Արտաշեսի Արշակյանի վկայականը՝ տրված «Գազպրոմ Արմենիա» ՓԲ-ի կողմից:

**ՀԱՅՏԱՐՈՒԹՅՈՒՆ՝ ԱՃՈՐԴԻ ՄԱՍԻՆ (1)**  
2023թ. դեկտեմբերի 19-ին, ժամը 12:30-ին պարտապան Ա/2 Վարդան Ավետիսյանի սնանկության գործով կառավարիչ Ա. Էլոյանի կողմից ք. Երեւան, Արշակունյաց պող. 5, սենյակ 311 հասցեում կանցկացվի սեփականության իրավունքով Վարդան Ավետիսյանին պատկանող անշարժ գույքի աճուրդ՝ 1 LNS-ով, բաց դասական եղանակով: Գույքն իրենից ներկայացնում է՝  
LNS-1. ՀՀ Արարատի մարզ, ք. Մասիսում գտնվող ավտոտնակը:  
Մեկնարկային գինը սահմանվում է 499,670 ՀՀ դրամ:  
Աճուրդին մասնակցելու համար պետք է ներկայացվեն՝  
-Ֆիզիկական անձի դեպքում՝ անձնագրի պատճենը, իսկ իրավաբանական անձի եւ Ա/2-ի դեպքում՝ պետական գրանցումը հավաստող փաստաթղթերի պատճենը:  
- Աճուրդի ներկայացված լուսի մեկնարկային գնի 1%-ի չափով մասնակցության վճարի վճարումը հավաստող փաստաթղթի պատճենը:  
-Աճուրդի ներկայացված լուսի մեկնարկային գնի 5%-ի չափով Նախավճարի վճարումը հավաստող փաստաթղթի պատճենը:  
Աճուրդի Նախավճարը վճարվում են կանխիկ կամ փոխանցումով Վարդան Ավետիսյանի սնանկության հաշվին՝ «Արդշինբանկ» ՓԲԸ-ի «Էրեբունի» մասնաճյուղ 2472303816560000 հաշվեհամարին՝ մինչեւ հայտ ներկայացնելու պահը:  
Աճուրդին մասնակցելու ցանկացողները սույն հայտարարությունից հետո՝ ընդհուպ մինչեւ աճուրդին նախորդող օրվա ժամը 16:00-ը կարող են հայտ ներկայացնել ՀՀ սնանկության դատարանի շենքում /ք. Երեւան, Օտյան 53/2:  
Աճուրդն անցկացվում է դասական եղանակով՝ հաղթող է համարվում առավել բարձր գին առաջարկած մասնակիցը:  
Ցանկացողները կարող են լուսն ուսումնասիրել, ինչպես նաեւ աճուրդի կանոնակարգին ծանոթանալ դիմելով կառավարիչ Ա. Էլոյանին / 094 411 487 /:

**ՀԱՅՏԱՐՈՒԹՅՈՒՆ՝ ԱՃՈՐԴԻ ՄԱՍԻՆ (2)**  
2023թ. դեկտեմբերի 19-ին, ժամը 12:00-ին Սեւակ Գալստյանի սնանկության գործով կառավարիչ Ա. Էլոյանի կողմից ք. Երեւան, Արշակունյաց 5, սենյակ 311 հասցեում կանցկացվի «Արդշինբանկ» ՓԲԸ-ում գրավադրված եւ սեփականության իրավունքով երրորդ անձ Հարութ Գեորգյանին պատկանող անշարժ գույքի աճուրդ՝  
1 LNS-ով: Գույքն իրենից ներկայացնում է՝  
LNS-1. ՀՀ ք. Արագածոտնի մարզ, գ. Չորագլխում գտնվող 381.0 քմ մակերեսով արտադրական նշանակության հողամասը:  
Մեկնարկային գինը սահմանվում է 318,208 ՀՀ դրամ:  
Աճուրդին մասնակցելու համար պետք է ներկայացվեն՝  
-Աճուրդի ներկայացված լուսի մեկնարկային գնի 1%-ի չափով (բայց ոչ ավել 200,000 ՀՀ դրամից) մասնակցության վճարի վճարումը հավաստող փաստաթղթի պատճենը:  
-Աճուրդի ներկայացված լուսի մեկնարկային գնի 5%-ի չափով Նախավճարի վճարումը հավաստող փաստաթղթի պատճենը:  
Աճուրդի մասնակցության վճարը եւ Նախավճարը վճարվում են կանխիկ կամ փոխանցումով Սեւակ Գալստյանի սնանկության հաշվին՝ «Ամիս Բանկ» ՓԲԸ-ի «Նոր Արեշ» մասնաճյուղ 1150004558048023 հաշվեհամարին մինչեւ հայտ ներկայացնելու պահը:  
Աճուրդին մասնակցելու ցանկացողները սույն հայտարարությունից հետո՝ ընդհուպ մինչեւ աճուրդին նախորդող օրվա ժամը 16:00-ը կարող են հայտ ներկայացնել ՀՀ սնանկության դատարան /ք. Երեւան, Օտյան 53/2:  
Աճուրդն անցկացվում է դասական եղանակով՝ հաղթող է համարվում առավել բարձր գին առաջարկած մասնակիցը:  
Ցանկացողները կարող են լուսն ուսումնասիրել, ինչպես նաեւ աճուրդի կանոնակարգին ծանոթանալ դիմելով կառավարիչ Ա. Էլոյանին / 094 411 487 /:

● Նոյեմբերի 29-ին Գ. Սունդուկյանի անվան ազգային ակադեմիական թատրոնում տեղի կունենա «Հարսնացու հյուսիսից» ներկայացումը: Տոմսերի արժեքը՝ 1000-3000 դրամ: Սկիզբը՝ ժամը 19:00-ին:



Էջը՝ ՄԱՐԻԱՍ ՂԱԶԱՐՅԱՆԻ

**ԿԱՐԳ**

**ՀԱՐՑ. Ես ուզում եմ իմանալ՝ ինչո՞ւ է զարգանում մարդկային զգացմունքները ունեն ծառայողական ֆնուդի կողմերը:**

*Վազգեն Սաֆարյան (38 տարեկան)*



**ՊԱՏԱՍԽԱՆ.** Հայտնում ենք, որ ծառայողական ֆնուդի կողմը պարտավոր է՝

- ա) ծառայողական ֆնուդի վարողի պահանջով ներկայանալ ֆնուդի կատարման վայր եւ տալ բացատրություններ (լրացուցիչ բացատրություններ), մասնակցել այլ անհրաժեշտ գործողությունների եւ ստորագրությամբ հաստատել դրանց կապակցությամբ կազմված արձանագրությունների (տեղեկանքների) ճշտությունը, իսկ չստորագրելու դեպքում ներկայացնել գրավոր պատճառաբանություն,
- բ) ծառայողական ֆնուդի վարողի պահանջով ներկայացնել ֆնուդի համար անհրաժեշտ իր մոտ եղած առարկաները եւ փաստաթղթերը,
- գ) ենթարկվել ծառայողական ֆնուդի վարողի՝ ծառայողական ֆնուդի անցկացնելու կարգով սահմանված պահանջներին:

**Հայաստանի Հանրապետության քաղաքացիական ծառայության խորհուրդ**

**«ԺՈՂՈՎՈՒՐԳ».** Ծառայողական ֆնուդի վարողը ընթացքում ծառայողական ֆնուդի կողմերն ունեն նաեւ իրավական ակտերով, ինչպես նաեւ ծառայողական ֆնուդի անցկացնելու կարգով իրենց վերապահված այլ պարտականություններ:

**ՍՈՑԻԱԼԱԿԱՆ**

**ՀԱՐՑ. Խնդրում եմ ասել՝ եթե կենսաթոշակառու փոխում է բնակության վայրը, ապա ինչո՞ւ է վճարվում նրա կենսաթոշակը:**

*Գրետա Հարությունյան (71 տարեկան)*



**ՊԱՏԱՍԽԱՆ.** Գ. Հարությունյանի հարցին ի պատասխան՝ տեղեկացնում ենք, որ եթե կենսաթոշակառու փոխում է բնակության վայրը, ապա պետք է գրավոր դիմի բնակության նոր վայրի կենսաթոշակ նշանակող ստորաբաժանում: Բնակության նոր վայրի կենսաթոշակ նշանակող ստորաբաժանումը նախկին բնակության վայրի կենսաթոշակ նշանակող ստորաբաժանումից գրավոր պահանջում է կենսաթոշակի գործը եւ այն ստանալուց հետո շարունակում վճարել կենսաթոշակը:

Կենսաթոշակ վճարելը վերսկսվում է կենսաթոշակառուի նախկին բնակության վայրում կենսաթոշակի վճարումը դադարեցնելու օրվանից:

**Կենսաթոշակային համակարգի իրազեկման կենտրոն**

**«ԺՈՂՈՎՈՒՐԳ».** Ավելացնենք, որ եթե կենսաթոշակը վճարելը դադարեցվել է, չվճարված կենսաթոշակի գումարը վճարվում է դիմելու կամ կենսաթոշակ վճարելը վերսկսելու համար հիմք համարվող տեղեկատվությունը ստացվելու ամսվան նախորդող մեկ տարվա այն ժամանակահատվածի համար, որի ընթացքում անձը կենսաթոշակ ստանալու իրավունք է ունեցել: Ի դեպ, չվճարված կենսաթոշակի գումարը վճարվում է միանվագ:

**ԼՈՒՐ ԿԱՐԴ**

*Լուսանկարն արվել է Երեւանում*



«ժողովուրդ» օրաթերթի թղթակիցն արձանագրել է, թե ինչ վիճակում է գտնվում Արաբկիր վարչական շրջանի դատարանի տանիքին ծածանվող եռազույնը: Մի քանի օրվա ընթացքում տա Արաբկիր վարչական շրջանի դատարանի դիմաց պատահաբար ծածանված եռազույնի համար մի քանի այսպես ժամանակ դատարանում աշխատող որեւէ աշխատակից եւ, առհասարակ, արդարադատություն իրականացնող դատավորները չեն նկատել, թե ինչ վիճակում է գտնվում եռազույնը:

**ԲԱԺԱՆՈՐԴԱԳՐՈՒԹՅՈՒՆ**

Մեր թերթը  
Բաժանորդագրվելու  
համար կարող եք դիմել



«Հայմամուլ» ՓԲԸ  
հեռ. 45-82-00, 45-19-11

«Հայփոստ» ՊՓԲԸ  
հեռ. 51-45-46, 51-45-47

«Բլից-Մեդիա» ՍՊԸ  
հեռ. 52-5301

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձանք ձեր բարձրացրած բոլոր խնդիրներին:

**ԱՌԱՋԱՐԿ**  
**հայկական տպագիր մամուլից**


«ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

**Բաժանորդագրության բլանկ**

Անուն՝ \_\_\_\_\_  
Ազգանուն՝ \_\_\_\_\_  
Առաքման հասցե՝ \_\_\_\_\_  
Բջջային եւ/կամ քաղաքային հեռախոս՝ \_\_\_\_\_

Հեռ.՝ (060) 490049  
0023, Արշակունյաց 2, 5-րդ հարկ, 518ս.

**ԵՂԱՆԱԿԻ ՏԵՍՈՒԹՅՈՒՆ**



Շիրակ	-4 - 9 -2 + 3	Արարատ	+2 + 5 +7 + 10
Կոտայքի լեռներ	-3 - 7 -2 + 2	Արմավիր	0 + 3 +6 + 9
Կոտայքի նախալեռներ	0 + 2 +4 + 8	Վայոց ձորի լեռներ	-3 - 7 -3 + 1
Գեղարքունիք	-4 - 9 0 - 5	Վայոց ձորի նախալեռներ	+3 + 8 +5 + 9
Լոռի	-2 - 6 -1 + 4	Սյունիքի հովիտներ	+1 + 5 +10 + 13
Տավուշ	-1 + 3 +5 + 9	Սյունիքի նախալեռներ	0 - 4 +10 + 14
Արագածոտնի լեռներ	-2 - 6 0 + 3	ԼՂՀ	+1 + 6 +9 + 12
Արագածոտնի նախալեռներ	+1 + 3 +6 + 10	Երեւան	+6 + 8 +11 + 13

Լրատվական գործունեություն իրականացնող՝ «ժողովուրդ թերթի խմբագրություն» ՍՊԸ Հասցեն՝ ք. Երեւան, Աբովյան 22<sup>ա</sup>/3, հեռ.՝ 010 54-64-23 Պետական գրանցման վկայականի համարը՝ 03Ա089086 տրված է 24.11.2010 Ստորագրված է տպագրության 27.11.2023

Գլխավոր խմբագիր՝ **ՔՆԱՐ ՄԱՆՈՒԿՅԱՆ**

Տպագրված է «ԳԻՆՂ» տպարան ՍՊԸ հրատարակչությունում խմբագրություն հանձնված նյութերը չեն գրայնաչափում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «ժողովուրդ» օրաթերթի այսօրվա համարում»: